



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-klina.org

Kuvendi i Komunës Klinë
Komiteti për Politik dhe Financa
01Nr 06-33511 /21
Klinë, dt: 22.07 /21

PROCESVERBAL

Nga mbledhja VII-të e rregullt e Komitetit për Politikë dhe Financa, mbajtur, më
15.07.2021, me fillim nga ora 10:00 në sallën e Kuvendit të Komunës.

Mbledhjen e hapi kryesuesi, z. Fadil Gashi i cili përshëndeti të gjithë, anëtarët e komitetit, drejtoret dhe gjithë të pranishmit, prezantoi rendin e ditës:

- 1 Arsyetimi i mungesave
- 2 Shqyrtimi dhe miratimi i procesverbalit të seancës së kaluar
- 3 Shqyrtimi i Raportit të auditimit për pasqyrat financiare vjetore të Komunës së Klinës për vitin 2020.
- 4 Shqyrtimi i Raportit Financiar për gjashtëmuajorin e parë 2021 (ref. drejt. Financave)
- 5 Shqyrtimi i kërkesave të arritura për Komitetin për Politikë dhe Financa për muajin qershor-korrik 2021
- 6 Të ndryshme

Kryesuesi, hapi debat rreth rendit të ditës, pasi të gjithë u dakorduan për rend dite, kryesuesi vuri në votim rendin e ditës!

Me 5-të vota PËR u miratua rendi i ditës.

Pika 1. Arsyetimi i mungesave.

Z. Fadil Gashi, kryesues: Mungon z. Brahim Mehmetaj dhe z. Enver Berisha të cilët kanë arsyetuar se nuk mund të jen sot prezent në mbledhje, ndërsa anëtarët tjerë të gjithë janë prezent.

Pika 2. Shqyrtimi dhe miratimi i procesverbalit të seancës së kaluar.

Z. Fadil Gashi, kryesues: Nëse ka dikush diçka rreth procesverbalit nga mbledhja e kaluar, urdhëroni!

Pasi askush nuk kishte ndonjë vërejtje apo sugjerim kryesuesi hodhi në votim dhe me 5-së vota PËR u miratua procesverbali nga mbledhja e kaluar.

Pika 3. Shqyrtimi i Raportit të auditimit për pasqyrat financiare vjetore të Komunës së Klinës për vitin 2020.

Z. Fadil Gashi, kryesues: Besoj se tashmë të gjithë e keni pranuar në material Raportin e auditorit, ne kemi edhe obligim ligjorë që ta shqyrtojmë raportin e auditorit të jashtëm! Unë po hapi debat rreth këtij raporti nëse ka dikush diçka urdhëroni?!

Z. Tunë Dedaj: Përshëndetje kryesues për ju, për përfaqësuesit e OSBE-së dhe për të gjithë të pranishmit. Unë nuk kam arritur ta lexoj këtë raport, por mendoj se duhet ta rekomandojmë për Kuvend dhe aty do ta debatojmë.

Z. Aziz Desku, drejtori i F.E.ZH.: Përshëndetje për të gjithë. Raporti i auditimit nuk i përfshin vetëm çështjet e menaxhimit financiar por edhe funksionimin e përgjithshëm të administratës komunale, qka vlen të theksohet në këtë raport është se asnjëherë nuk kemi pasur opinion të kualifikuar, edhe pse viti 2020 ka qenë vit i pandemisë opinionin ka qenë i pa modifikuar. Janë disa të gjetura, këto më shumë të natyrës procedurale, ku janë bërë disa nënshkrime të pa autorizuara kjo për shkak të mungesës së stafit për shkak të pandemisë sepse është punuar me staf esencial. Po ashtu në këtë raport janë paraqitur të dhënat për zbatimin e rekomandimeve të vitit paraprak 2019, pra janë paraqitur në raportin e vitit 2020, ku prej nëntëmbëdhjetë rekomandimeve dhjetë ende nuk janë zbatuar, shtatë janë zbatuar plotësisht ndërsa dy pjesërisht, por në përgjithësi opinionin për komunën është pozitiv dhe i pa modifikuar.

Z. Fadil Gashi, kryesues: Faleminderit drejtor. Nëse edhe ju pra pajtoheni unë po e vë në votim për ta rekomanduar për Kuvend!

Kryesuesi hodhi në votim dhe me pesë (5) vota PËR, KPF, rekomandoj që raporti i auditorit të kalojë për shqyrtim në Kuvend.

Pika 4. Shqyrtimi i Raportit Financiar për gjashtëmuajorin e parë 2021 (ref. drejt. Financave)

-Sa i përket kësaj pike, kryesuesi i dha fjalën drejtorit të financave z. Aziz Desku për prezantim të raportit për gjashtëmuajorin e parë të vitit 2021.

Z.Aziz Desku, drejtori i F.E.ZH.: Për ta analizuar realizimin e buxhetit për periudhën janar-qershor për vitin 2021, ne kemi paraqitur një raport edhe disa pasqyra ku janë të prezantuara të hyrat dhe shpenzimet buxhetore. Theksoj se buxheti i miratuar për vitin 2021 ka qenë prej 10,658,263.00 euro ndërsa me 30.06.2021 në sistemin e menaxhimit financiar ka qenë në vlerë prej 11,436,290.00 euro, rritja ka ndodhur si rezultat nga të hyrat e bartura nga viti i kaluar, dhe kanë qenë 200 mijë euro grand nga qeveria për paga shtesë për punëtorët shëndetësor. Buxheti krahasuar me vitin e kaluar është me i lart se në vlerë prej 0.08%.

-Theksoj se nga buxheti i shpenzuar në periudhën janar – qershor 2021 në vlerë 5,091,395.96 €, për paga dhe ,mëditje janë shpenzuar 3,700,374.26 euro, për mallra dhe shërbime janë shpenzuar 483,689.22 euro, shërbime komunale 85,117.97 euro, subvencione 173,749.00 euro dhe për kapitale 648,465.51 euro. Gjithashtu u theksua se ka një rritje tek të hyrat vetanake krahasuar me vitin e kaluar edhe pse ende në pandemi, të hyra vetanake janë 209.851.00 euro më shumë se vitin e kaluar. Po ashtu në fund të raportit është një tabelë me analiza rrethe krahasimeve të shpenzimeve me vitin e kaluar. Nëse ka dikush ndonjë pyetje rreth këtij raporti urdhëroni! Faleminderit.

Znj. Violeta Zefi: Përshëndetje për të gjithë. Unë kam një pyetje sqaruese nëse ka mundësi? Kur është fjala tek pagat nuk e kam të qart këto shërbimet kontraktuese tjera çka nënkuptojnë? Sepse është një shumë jashtëzakonisht e madhe! Ndërsa sa i përket këtyre shërbime të ndryshme shëndetësore po mendoj ndoshta janë ndihmat që u janë dhënë punëtorëve shëndetësor gjatë pandemisë sepse edhe këtu është një shumë e madhe 16.000.00 euro

Z.Aziz Desku, drejtori i F.E.ZH.: Shërbimet kontraktuese janë të gjitha ato shpenzime që nuk i përkasin kategorisë kapitale por për të cilat ka një kontratë, është zhvilluar një procedurë e prokurimit dhe këto kanë të bëjnë kryesisht për shërbimet për pastrim, mirëmbajtje të objekteve që përfshin objektin e administratës komunale, QKMF-në, shërbimet shëndetësore të kontraktuara nga një kompani për shërbimet shëndetësore në shtëpi, dhe pagesa e arsimtareve rezervë gjatë kohës së pandemisë. Ndërsa tek kjo shërbimet shëndetësore nuk e kam të qartë për momentin, por mendoj se mund të jetë për shërbimet shtesë furnizim me barna gjatë pandemisë, por do ta analizoj edhe njëherë.

Z.Tunë Dedaj: Unë fillimisht po e falënderoj drejtorin. Dua edhe t'i falënderoj të gjithë qytetarët që kanë rritur të hyrat me pagesat e tyre si ajo në tatimin në pronë, me siguri janë bindur se paraja e tyre u kthehet në investime. Mua nuk më pëlqej që kanë hyr në buxhet gjatë e policisë dhe gjykatës, kisha preferuar të mos dënohen qytetarët por me shumë t'u dhen vërejtjeje që të vetëdijesohen.

Z. Fadil Gashi, kryesues: Të themi të vërtetën, ne qëndrojmë shumë mirë edhe në performancë sepse i respektojmë afatet ligjore për shqyrtimin e raporteve. Pra nëse edhe ju pajtoheni ne po e rekomandojmë për shqyrtim në Kuvend këtë raport.

-Kryesuesi hidhi në votim dhe me pesë (5) vota PËR. KPF, rekomandoj që raporti financiar për gjashtëmuorin e parë të vitit 2021 të kaloj për shqyrtim në Kuvend.

Pika 5. Shqyrtimi i kërkesave të arritura për Komitetin për Politikë dhe Financa për muajin qershor-korrik 2021

-Kryesuesi vazhdoj me prezantimin e kërkesave:

Kërkesa 1.

Kërkesë e parashtruar nga AKV "Jehona e Dukagjinit" i cili kundërshton refuzimin e Komisionit për subvencionimin e klubeve i cili i ka rekomanduar që të mos aplikoj për shkak se vitin e kaluar e kanë përfituar 3000 euro nga 6000 sa e kanë pasur kontratën e nënshkruar me drejtorin e DKRS, arsyetimi i komisionit për këtë rekomandim ka qenë se ansambli nuk ka sjellë raport (fatura të rregullta) për shpenzimin e shumës prej 3000 euro. AKV "Jehona e Dukagjinit" shpenzimin e kësaj shume e arsyeton se ka blerë instrumente nga persona privat, mjeshtër dhe nuk kanë mundur të sigurojnë fatura të rregullta, dhe një pjesë për aktivitete tjera.

Ndërsa ansambli kërkon mbështetje nga Kuvendi.

-Me siguri edhe ju e dini se në bashkë me ekzekutivin kemi dërguar një kërkesë që t'na sqarojnë mundësinë dhe ligjshmërinë për subvencionim. Momentin që do të vijë ajo shkresë ne do ti trajtojmë të gjitha kërkesat e kësaj natyre. Por këta e kanë edhe mundësinë që të aplikojnë kur të hapet afati për subvencionimin e klubeve dhe OJQ-ve.

Mendoj se edhe ekzekutivi duhet t'i qëndroj prapa kontratave të nënshkruara sepse se bashku me kërkesë është edhe kontrata e nënshkruar në mes palëve nga drejtori i DKRS.

Unë po hapi debat!

Z. Tunë Dedaj: Ne çdo njëri duhet të japim llogari për parat që i marrim, prandaj mendoj se të gjitha ato organizata dhe klube të cilat nuk sjellin fatura për shpenzimet e parasë që kanë përfituar nga subvencionimi duhet të mos subvencionohen më.

Z. Fadil Gashi, kryesues: Atëherë nëse edhe ju pajtoheni që kërkesa në fjalë të pezullohet deri në konfirmimin e ligjshmërisë të cilin jemi duke e pritur nga ministria për ndarje të mjeteve dhe subvencionim të klubeve dhe OJQ-ve nga Kuvendi.

-Kryesuesi hodhi në votim dhe me pesë (5) vota PËR Komiteti për Politikë dhe Financa, rekomandoj që kërkesa e parashtruar nga AKV "Jehona e Dukagjinit" për mbështetje financiare të pezullohet deri në një përgjigjeje të cilën Kuvendi është duke e pritur nga ministria, për shqyrtimin e ligjshmërisë për mbështetje financiare dhe subvencionim të klubeve nga Kuvendi.

Kërkesa-2

Kërkesë e parashtruar nga KHF "Dukagjini" për mbështetje financiare në shumë prej 3000 euro

Sipas deklaramit në kërkesë, nga thirrja për subvencionimin e klubeve dhe OJQ-ve ka përfituar shumën prej 1000 euro por që nuk mbulon shpenzimet e klubit, prandaj kërkohet mbështetje nga Kuvendi dhe ndarjen e shumës prej 3000 euro.

Z. Fadil Gashi, kryesues: Siç po e shihni, edhe kjo kërkesë është e natyrës së njëjtë dhe nëse edhe ju pajtoheni që trajtimi të jetë i njëjtë për të gjitha kërkesat e kësaj natyre.

Kryesuesi hodhi në votim, dhe me pesë (5) vota PËR, Komiteti për Politik dhe Financa, rekomandoj që kërkesa së parashtruar nga KHF "Dukagjinit" për mbështetje financiare të pezullohet deri në një përgjigjeje të cilën Kuvendi është duke e pritur nga ministria, për shqyrtimin e ligjshmërisë për mbështetje financiare dhe subvencionim të klubeve nga Kuvendi

Kërkesa-3

Kërkesë e parashtruar nga Osman Morina për rregullimin e kanalizimit të ujërave të zeza në një nga lagjet në fshatin Qeskovë, në gjatësi prej 250 metra pasi që ka problem me shkarkimin e ujërave të zeza pasi që ato shkarkohen në prona të banoreve.

Z. Fadil Gashi, kryesues: Unë kërkoj nga ekzekutivi që kjo kërkesë të hyj në mesin e atyre projekteve me prioritet, dhe a ka mundësi që edhe me miratimin e juaj që ne ta rekomandojmë në drejtorin e shërbimeve publike?

-Kryesuesi hodhi në votim dhe me pesë (5) vota PËR, Komiteti për Politik dhe Financa, rekomandoj që kërkesa e parashtruar nga z. Osman Morina për rregullimin e kanalizimit të ujërave të zeza të dërgohet për shqyrtim në drejtorin e Shërbimeve Publike dhe Emergjente.

Kryesuesi vazhdoj me prezantimin e kërkesave drejtuar KPF-së

Kërkesa-4

Kërkesë e parashtruar nga shoqata e gjahtarëve "Dukagjini" në Klinë për mbështetje financiare në shumë prej 3000 euro. Shuma kërkohet për renovimin e rrethojës së parkut të kafshëve i cili gjendet në zonën e Dollcit dhe e cila ka hapësirë prej 100 hektarëve.

Z. Fadil Gashi, kryesues: Unë të them të drejtën, jo që kam ndonjë lidhje apo interes, por mendoj se nëse mund të funksjonalizohet ky park si rezervat për kafshë të egra do të ishte diçka shumë e mirë. Unë po hapi debat!

Z. Aziz Desku, drejtor i F.E.ZH: Ne nuk mund ta ndihmojmë nga subvencionet, për shkak të kufizimeve që na krijon rregullorja. Por mendoj se përmes prokurimit pra të shpallet një procedurë për rregullimin e sajë dhe mjetet të sigurohen nga mallrat dhe shërbimet.

Z. Tunë Dedaj: Unë nuk e di se a ka të drejt komuna të investoj në atë pjesë sepse ajo me duket se është pronë e AKM-së. Shoqata e gjahtarëve janë si shoqatë e pavarur, anëtarët e kësaj shoqate paguajnë tatim dhe mendoj se duhet edhe ta mirëmbajnë. Por sido që të jetë, nëse ligji na lejon ne do t'ju ofrojmë mbështetje.

Z.Fadil Gashi, kryesues: Nëse edhe ju pajtoheni ne mund ta rekomandojmë për shqyrtim në Kuvend dhe pas diskutimit në Kuvend do të shikohet se di do të veprojmë me tutje.

-Kryesuesi hodhi në votim dhe me pesë (5) vota PËR, Komiteti për politik dhe Financa, rekomandoj që kërkesa e parashtruar nga shoqata e gjahtarëve "Dukagjini" për mbështetje financiare, të kaloj për shqyrtim në Kuvend.

Kërkesa-5

Kërkesë nga balkan Green Foundation për miratimin e Planit të Investimeve të Gjelberta për Komunën e Klinës në Kuvend. Të titulluar Shërbimet e Ekosistemit dhe Investimet Inteligjente në Komunën e Klinës- Plan veprimi 2021-2025. Ky plan veprimi është komponent me rendësi i projektit "Kapercimi i Gjelber" në kuadër të nënshkruar ndërmjet BGF dhe Komunës së Klinës, paraqet analizë dhe rekomandime konkrete, duke përfshirë përfitimet financiare dhe planifikimin e gjelbër në qeverisjen lokale.

-Kryesuesi, hapë debat!

Pasi askush nuk e mori fjalën!

Kryesuesi hodhi në votim dhe me pesë (5) vota PËR, Komiteti Për politik dhe Financa, rekomandoj që kërkesa e parashtruar nga Balkan Green Foundation për miratimin e planit Shërbimet e Ekosistemit dhe Investimet Inteligjente në Komunën e Klinës të kaloj për shqyrtim dhe miratim në Kuvend për vënie në shqyrtim publik.

Pika 6. Të ndryshme

-Pasi nuk kishte diçka tjetër për të debatuar, kryesuesi theksoj se me kaq po e mbylli mbledhjen e rregullt të Komitetit për Politik dhe Financa.

Gjithashtu falënderoj të gjithë për pjesëmarrje.

Mbledhja përfundoi në ora 11:20

**Procesmbajtësi,
Ahmet Berisha**

Berisha



**Kryesuesi,
Fadil Gashi**

Fadil Gashi